



Notis Pelabuhan: Bil 1-1-10

Kepada : Pengendali-Pengendali Barangan Bahaya Di Kawasan Pelabuhan

Daripada : Pengurus Besar, Lembaga Pelabuhan Johor

Tarikh : 04/01/2010

PERKARA : PELAKSANAAN KURSUS KOD BARANGAN BAHAYA MARITIM ANTARABANGSA (COURSE ON INTERNATIONAL MARITIME DANGEROUS GOODS CODE – IMDG CODE)

Dengan hormatnya merujuk kepada perkara di atas.

Adalah dimaklumkan bahawa *International Maritime Organization (IMO)* telah mengeluarkan dokumen terkini "*International Maritime Dangerous Goods (IMDG) Code Amendment 34-08 2008 Edition*" yang akan menjadi mandatori pada 1 Januari 2010. Salah satu elemen yang penting dalam pindaan tersebut adalah menghendaki semua pengendali barangan bahaya di pelabuhan menghadiri kursus bagi memastikan mereka biasa dengan peruntukan am di dalam kod IMDG.

Oleh itu, semua pengendali barangan bahaya di Pelabuhan Johor (Johor Port Berhad dan Pelabuhan Tanjung Pelepas) adalah **DIWAJIBKAN** untuk menghadiri kursus di atas yang akan diadakan pada awal tahun ini (2010). Di dalam dokumen pindaan terbaru di bawah *chapter 1.3*, ia telah menekankan keperluan latihan adalah "**MANDATORI**" bagi "*shore-side personnel*" yang terlibat di dalam pengendalian barangan bahaya di kawasan pelabuhan. Ini berbeza dengan dokumen sebelum ini yang hanya menyatakan latihan sebagai satu keperluan (*recommendation*) sahaja.

Sehubungan dengan itu, semua pengendali barangan bahaya di pelabuhan perlulah mengambil perhatian terhadap keperluan kursus di atas seperti yang telah dinyatakan di dalam *IMDG Code Amendment 34-08 2008*.

Kegagalan mematuhi notis ini akan mengakibatkan pelanggaran Akta *IMDG Code Amendment 34-08 2008* dan boleh menyebabkan pihak tuan tidak dapat menjalankan operasi di kawasan Pelabuhan Johor (Johor Port Berhad dan Pelabuhan Tanjung Pelepas) dan juga di kawasan-kawasan pelabuhan yang lain.

Sekian, terima kasih.

'Profesionalisme Memantapkan Perkhidmatan'

.....
(NIK AZIZ BIN HJ. NIK HUSAIN)
Pengurus Besar,
Lembaga Pelabuhan Johor.